

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30



浙江圖書館



浙江圖書館



浙江圖書館



浙江圖書館



浙江圖書館



浙江圖書館

增廣註釋音辯唐柳先生集卷之二十九

奏狀

為廣南鄭相公奏百姓產三男狀

鄭細

右臣所部貞節坊百姓某妻產三男者臣詳究往例實謂休
徵已量事給絹三十疋充其乳養者伏以陛下勤郵黎元感
通天地靈心昭答景福已興方使億兆繁滋區夏充物音切
故表祥於字育是啓運於升平事者化源慶延邦本鱗羽之
瑞曾何足云臣幸列藩維嘗叨樞近私賀之至

為薛中丞浙東奏五色雲狀

元和薛中薛平
或云薛戎

右臣得管內台州奏月日五色雲見者一州官吏僧道耆老
悉皆瞻覩已具奏聞并寫圖奉進者伏以景雲上瑞王者社
符煥彩彰之在天知聖德之昭感伏惟陛下化孚有截道洽
無垠承天地之貞明導陰陽之和氣遂使紛紛郁郁自東而

徂西若煙非煙一旬而垂至徵諸古謀事罕前聞伏乞宣付
史官以昭簡冊

為裴中丞奏邕管黃家賊事宜狀

裴行立

右今月四日邕管奏事官嚴訓過稱押衙譚叔向等與黃家
賊五千餘人謀為翻動雖已誅斬猶未清寧當時差本道同
十將某至邕管界首賓州以來迎探事宜兼為聲援昨得十
四日狀并嚴訓狀報同其黃家賊並已退散各歸洞穴訖伏
以鼠竊狗偷非足為患陛下威靈遠被神化旁行遂使姦狡
之謀先期而自露一本作猾回邪之黨不戮而盡夷伏恐飛章
已達吉語未聞尚軫天心猶煩廟筭臣謬居方鎮忝接疆界
所得事宜不敢不奏

讓監察御史狀

宗元為監察御史兼行

右臣伏準名例律諸官與父祖諱同者不合冒榮居之臣祖

各察躬今臣蒙恩授前件官以幼年逮事王父相禮律之制所不敢踰臣不勝進退惶恐之至謹詣光順門奉狀以聞伏聽勅旨貞元十九年閏十月日具官臣某奏奉勅新除監察御史柳宗元祖名察躬準禮二名不偏諱不合辭讓年月日檢校司空同中書門下平章事杜佑宣

爲京兆府昭應等九縣訴夏苗旱損狀

右臣謬領京畿已逾兩月政術無取誠懇莫申遂使兩澤憊時田苗微損夙夜兢懼寢食靡遑今長安一十四縣並準常年例全徵其昭應等九縣臣各得狀並令詳審各絕隱欺謹具別狀封進臣當府夏稅通計約二十九萬石以上據所損矜免抵當二萬石有餘恤人則深減數非廣伏以聖慈弘貸憫念蒸黎臣忝職司不敢不奏無任慙懼之至謹錄奏聞伏聽勅旨

為南承嗣請從軍狀父南齊雲

故某官贈某官某乙男某官某乙

右臣亡父至德之歲死節睢陽唯宣佳切陛下每降鴻恩必加褒

寵臣自七歲即忝班榮承嗣七歲為婺州別駕垂五十年常居祿秩再

守遐郡為施涪二州刺史績用無成終貽官謗其就嚴譴劉闢反承嗣以无備

州請承無以負荷先志報効殊私以慙以懼墮越無地伏見某

月日勅元和十四年十月以王承宗負恩干紀命將徂征雷霆所加

殄滅在近臣竊不自揆思竭忠誠願預一卒之任以荅百生

之幸庶得推鋒觸刃摩壘孫公左氏傳靡旌摩壘摩旗也舉恣蹇一音取敵之旗也

冀獲盡於微試儻不墜於遺烈踊躍之至夙夜不寧敢希皇

明俯鑒丹懇臣聞周官考藝國子置車甲之司周禮夏官國子之

卒若有兵甲之事則授之車甲漢道推恩孤兒備羽林之用武帝養死事之子號羽林孤兒

千秋思奮於事越漢武帝時南越呂嘉反韓千秋奮仲孺期

死於奔吳

前漢灌夫字仲儒父死吳軍中夫奮曰願義激君

親名高竹帛臣雖無似有慕昔人雖身塗草野死而不朽披

肝瀝血昧死上陳無任懇迫忠憤之至謹錄奏聞伏候勅旨

進農書狀

農書二卷

右伏奉某月日勅宜以二月一日為中和節所司進農書求

以為恒式者

貞元五年

臣伏以平秩東作虞書立制倣載南畝

周雅垂文此皆奉天時以授人盡地力而豐食自陛下德宗

惟新令節益厲農功既立典於可傳每陳書而作則耕鑿之

利敷帝力於嘉謨稼穡之難動天心於睿覽勤勞率下超邁

古先凡在率土不勝幸甚前件農書謹函封進謹奏

代人進瓷器狀

瓷器才資切陶器之緻堅者

瓷器若干事

一本无

右件瓷器等並藝精埏埴

埏音檀和土也埴承我切

黏土也

制合規模稟至德之陶蒸自無苦窳

窳窳遊甫切空也病也史記舜陶河濱

器不苦竄合大和以融結克保堅貞且無瓦釜之鳴賈誼賦黃鐘毀棄瓦釜雷

鳴是稱土劍之德鏘音刑當作型瓦器也以成盛器慙瑚璉力

切祭宗廟玉器貢異器丹器音奴石中矢鏃既尚質而為先禮記郊

陶匏尚質也亦當無而有用當具无有器之用謹遣某官某乙隨

狀封進謹奏

柳州壘監察御史柳漢自代狀元和十年

右某準從前赦文常參官上後舉一人自代者元和六年伏見

前件官頗有才行長於政術久歷嶺南使職臣之所知敢舉

自代無任懇迫之至

上戶部狀

左降官負外置同正官俸判舊用戶部省負闕官

錢充今請改授正官占闕不用上件力每年約計

右伏以左降官是受其之人都不釐務戶部錢是準勅收貯

不合別支又所授真外官亦非舊制宗元在永州日見百姓
庄宅公驗有司戶李邕判給契足明皆是正官今請悉依故
事為準並廢真外所置凡在貶黜授以正負責其成功俾無
虛授貯錢既免支用加數足應軍須實冀其不濫分官無曠
職謹狀

柳州上本府狀上挂管 觀察府

莫誠救兄莫蕩以竹刺莫果右臂經十二日身死
其莫誠禁在龍城縣準律以他物毆傷十二日辜
辜內死者各
依殺人論

右奉牒準律文甄分者分去 聲已帖縣準牒待秋分後舉甄分
訖伏以中丞裴行 立慈惠化人孝悌成俗屬吏所見皆許申明
至公之下敢竭愚慮竊以莫誠赴急而動事出一時解難為
心豈思他物救兄有急難之戚中臂非必死之瘡不幸致殂
揣非本意按文固當恭守撫事似可哀矜斷手方迫於深衷

周身不遑於遠慮律宜無赦使司明至當之心情或未安守
更切惟輕之願况俟期尚遠稟命不遥伏乞俯賜興哀特從
屈法幸全徵命以慰遠黎則必闔境荷慈育之恩豈惟一夫
受生成之賜儻以律文難變使牒已行則伏望此狀便令廢
格階輕賜塵黷惶戰交深謹錄狀上奉聽處分

為裴中丞伐黃賊轉牒裴行

當管奉詔與諸管齊進當管杜管也諸管謂誅討盜管草賊

黃少卿漢軍馬步等若干人各具兵馬數及軍將若干前牒

奉處分竊以天啓昌期大功畢集神開興運徵惡盡除黃少

卿等歷稔逋誅舉宗肆暴黃少卿首領黃少卿少卿子昌

前後州恃狡兔之穴踰伏偷安性阻頭莊綠二憑孽孤之丘

跳踉見恠孽魚列切妖也跳徒彫切以為威弧不射天綱可

逃侵逼使臣隳犯王略恣其毒虐速我誅鋤敵國盡在於舟

中吳起還師已期於席上家語謂宜投戈頓顙面縛乞身歸

郡邑於王官效黎獻於天吏而乃繕兵補卒增壘閉途正當

天討之辰更積鬼誅之罪莊子為不善於幽閻眾輕鬪蟻勇

劣怒蛙韓非子越王伐吳欲人之輕死也出見怒蛙乃織縞

當強弩之初縞強弩之未不能入魯縞傳孤豚價肥牛之下方

問切牛雖奢價于豚上其畏不死事同拾芥力易摧枯杪忽蜂腰

虛見辱於齊斧齊如字又側皆切張晏云整齊也突梯鼠首濫欲寄

於旄頭突吐忽切梯音騰於絕有時勦子不索何獲索色

左傳吳某拱稽致命國語吳語擁釋拱稽注拱持也執銃忘

生車甲既備於小戎鯨鯢豈逃於誅戮左傳宣公十二年取

大戮注鯨鯢大魚名以喻不義之人吞食小國切觀上略

總帥中權左傳宣公十二年中權後戰士義激於身心列校

勢成於臂指蹶張之技盡出於山林蹶音蹶前張注材官之多力

能脚踏強弩張之故曰蹶張律有蹶張士師古按距之材編

曰今之弩以手張之曰擘張以足蹶者曰蹶張古曰按距者

徵於川洞前發甘延壽傳投石按距注顏師古曰按距者賞

懸香餌令布疾雷莫不鼓舞戎行虔恭師律投軀不憊於羽

檄憊與愆同發高祖紀注檄木簡長跋二尺檄召急則揮以鳥羽示急也跋足唯俟於牙璋跋遣

幸踵也周禮典瑞注牙璋琢以爲牙牙齒象故以發兵今月某日奏事官米蘭迴捧受

詔命神飛首勇足蹈心馳權聲洽於萬夫勝氣橫於千里國

容不入褻且及於寢門司馬法古者因容不入軍軍容不入

起及於寢門家事勿關土已填於左闔國語勾踐伐吳

入命夫人自今日以後內政无出外政无入內有辱是子也

外有辱是我也王出夫人送王不出屏乃闔左闔填之以土

即以月日全軍出次分道並進所期勦力敢告同心孔大夫

御史大夫嶺南貞直冠時清明格物全體許國一心在公兵

節度使孔幾揚當作陽御史中丞以義烈

精食浮爲日固久容府揚中丞容管經畧使陽曼以義烈

爲已任勳襲太常安南李中丞御史中丞安南都護李以英

象古曹王李臯之子

武為家風業傳彝器並膺邦寄克達皇威南則浮海濟師共
集堂堂之陣東則橫江誓眾用成善善之功以此鼓行坐觀

盡敵刑惟勿喜誅有可哀微側之勇冠一方竟就伏波之戮

後漢高趾女子徵則反 呂嘉之威行五嶺終摧下瀨之師

伏波將軍馬援斬之 嗟此陋微自貽擒滅勉成

良畫速致殊勲雖荒徼之地固不勞於有征傲吉弔切邊隅而昇平

之年將自此而何事書之竹帛實謂揚名事須移牒隣管以

成犄角舉牒者犄居綺反編引也左氏譬諸捕鹿

賀誅淄青逆賊李師道狀賀中書門下

右今月三日得知進奏官某報前件賊以前月九日克就梟

戮者伏以天啓聖期神資良弼必有懲討以致昇平蠢尔兇

渠敢行悖亂締交於雷霆之下締丁計切憲宗討吳元濟李師道王承宗陰黨援乃伏盜

京師刺用 效逆於化育之辰逞豺聲以欺天恣狼心而犯上

嘉謨克協威命旁行破竹寧比其發機走九未喻於乘勝濁

河清濟曾無溝洫之虞濟子禮切清大峴琅邪不聞涯岸之

阻峴胡切天兵四合賊衆屢摧然後赦劫脅之辜許其歸復寬

註誤之典期以撫循註音卦前文帝紀濟北王反註誤吏民外但皇威中感聖

德雖在梟鏡梟堅堯切鏡當作鏡前炭志注梟鳥名食父母破鏡獸名食父如龜而虎眼豈不知歸

是以未極誅鋤遠聞內潰鯨鯢已戮見東海之無波氛沴盡

銷仰太陽之普照功格于天地化合于陰陽一德方繼於商

書降神自同於周雅遂使垂白遺老再逢天寶之安措紳諸

生遠期貞觀之理某特承朝獎謬列藩臣常以突刃觸鋒未

爲効節膏原潤草豈足酬恩寤寐撫心不違寧處今則削平

之際慙無尺寸之功開泰方初徒受丘山之寵無任憤激屏

營之至抃舞歡慶倍百怛情

賀平淄青後肆赦狀賀中書門下云

某官某乙右某伏奉二月二十二日德音以淄青削平慶賜
大洽率土之內抃躍無窮伏惟周滅三監但明誅放之罰漢
平七國更嚴斬殺之科未有翦覆兇渠撫存疑類威暫行而
德洽誅纔及而恩加操兵者悉獲歸休秉耒者更聞優復與
之種食種章勇切豐以貨財疾苦盡除鰥孤咸育葬戰死之骨增
以賞延憐刃傷之肌存其廩給滌山川之舊汚申節義之餘
冤功多受三事之榮詩三事大夫注三事三公也元和十四
年斬李師道田弘正奏捷加弘正檢校
司徒同平章事節者有十連之寵禮記十國以為連有帥劉悟斬
師道詔以劉悟為義成軍節度使
較然逆順益以彰明和氣遠周罷七旬之干羽仁風溥暢收
六月之車徒寰海永康夷夏均慶某忝司戎旅獲奉昇平當
伊尹無耻之辰見咎繇惟輕之德外咎繇即
臯陶字抃躍之至倍萬恒
情無任慶賀之至

賀分淄青諸州為二道節度狀

賀中書
門下

右某伏見某月日制分淄青諸州為三道節度都團練觀察

等使者害氣盡除和風溥暢裂壤既分其形勝經野必正其

提封河濟異宜海岱殊服八命作牧無聞威福之源十國為

連已肅澄清之政鼠無夜動左傳哀公二十三年滅鴉變好

音詩泮惠澤豈俟於崇朝仁化寧期於必代論語必世遂使

琅邪即墨田生無慮其異謀前漢高祖紀田肯曰齊有琅邪

蜀河之限非親子聊攝姑尤晏子但聞其善祝左傳昭公二

弟莫可王齊者也祝有益也詛亦有損聊攝以東姑尤以西為人恭以相公暮

參禹績制出蕭規楊子蕭也光輔聖神求康黎獻其獲逢開

泰泰守方隅抃躍之誠倍百恒品

代裴中丞上裴相賀破東平狀裴行立賀裴度

右伏以逆賊李師道克就梟擒已具中書門下狀賀訖其恭

居末屬同族特受深恩踴躍不寧輒復披露竊以自古中興

之主必有命代之臣一德同功以叶休運故申甫方邵成宣

王復古之勲申伯尹吉甫力叔召虎吳鄧寇耿致光武配天之業吳崇

寇恂此皆上下齊志中外悉心雖成功則多而陳力甚易豈

若閣下挺拔英氣邁越常流獨契聖謩以昌鴻業廟略初定

異議紛然詆訕盈朝萋斐成市萋音妻斐音匪詩云是具錦閣下乘

心不惑定命彌堅討准有之兇則下車而授首元成吳服恒陽

之虜則馳使而革心裴度遺柏著說王承宗承宗遠獻德棣二州况師道惡稔禍

盈鬼怨神怒恣行悖慢敢肆欺誣天兵四臨所至皆捷次又

捨其將校許以歸還罪止一夫恩加百姓豺狼感化梟鏡懷

仁巢堅堯切鏡當作鏡自致誅夷以成開泰萬方有慶四海無虞遂令

率土之人盡識太平之理盛德大業振古莫儔然則布政明

堂勤功東嶽光垂後祀輝映前王神化允屬於聖君崇勳實

歸於宗袞慶賀之至倍萬怕情

為裴中丞乞討黃賊狀

一本裴字下
有上裴相字

其材質無堪授任非次當有事之日忠懇莫施遇成功之辰
慙憤空積隊力之志誓死不渝伏惟仁恩終賜展効今者中
華寧謐不覓畢切異類服從唯此南方尚餘寇孽伏以黃少卿
等憑培塿以自固培塿力狗切自閑而以為強當作連七戈切選稟質連脆廣雅曰連亦脆也劫
脅使臣侵暴列郡雖狐鼠之陋無足示威而蜂蠆之微猶能
害物護切必資翦伐方致和平庶盡鴛鴦之勞以答恩榮之
重撫心踊躍夙夜不寧私布丹誠敢期明鑒無任感激屏營
之至

為桂州崔中丞上中書門下乞朝覲狀

崔詠

右某幸遇文明叨承委寄理戎典郡十有四年瞻戀闕庭神
魂飛越頃在邕州元和五年鄧州刺史崔累陳誠懇謬尸進

律之寵

禮記有功德於民者加地進律

未遂執珪之願

左傳朝聘有圭

相公膺賢輔

聖大叙彝倫

中外之臣出入更踐

其自領桂管又逾再周

和

八年十一月

崔諫迂桂管

至此元和十年凡兩周歲

今鸞鷟於紫霄獨無羽翼仰星辰

於黃道徒竭丹誠

況正月會朝遠夷皆至

六歲來見要服有

期要一遙切國語注

期要一遙切國語注

豈使班超之望長懸

東漢班超上疏曰

遠處絕域小臣能

无首立依

子牟之戀空積湖之上

魏公于牟曰身若江

心馳魏闕之下伏乞特

申微願錄受冗負徵故事而不遺揆夙志而斯畢入天子之

國願附禮於小侯拜宰相之卑敢希榮於上客

一本上

無任

懇禱屏營之至輕瀆威重戰汗伏深謹狀

為南承嗣上中書門下乞兩河效用狀

右伏以越敗夫差多會稽納官之子

國語越語孤子寡婦疾

而教之趙摧栗腹即長平死事之孤

史記趙武成王十五年

皆死長平其孤未壯可伐也

何者義烈之餘色氣猛厲上將

燕師至趙廉頗擊殺栗腹

効於國用下欲濟其家聲所以憤激悽愴常思致命者也某

先父死難睢陽雖宣在切不至德二載尹子事存簡冊累降優

詔榮及子孫爰自繚緜超昇品秩南承嗣以父死事七歲

食廩給未嘗暫停頃守涪州屬西蜀遊逆承嗣為涪州刺史將

致死命以盡夙心寢戈嘗膽志願未究晉劉琨枕戈待旦

刀筆之吏寘以深文首級之差今復誰辯前漢馮唐曰雲中

虜差六級陛下意或之謗不能自明馬援征高趾餽意效軍

之吏削其爵猶賴舊勳謫居樂土劉闢反承嗣以食人

力之栗守無事之官拳拳血誠無所陳露伏見明制興師討

伐師元初十四年制創奪成德軍節度使王承宗費一本

醇備小醜尚欲誦誅某才非古人志慕前列願得身當一隊

効死戎行竭平生之忠懇申幽明之冤痛撫劍心往發

言涕零嘗聞漢法有奮擊匈奴者諸侯不得擁遏又况丞相

摠軍國之重定廊廟之謀固當弘獎無所弃捐伏乞哀憫收撫以成其心無任懇迫惶恐之至

柳州上中書門下舉柳漢自代狀元和十年

右伏準元和六年十月十七日勅常參官授上後三日內舉一人以自代便具所舉人兼狀上中書門下者今奏請前件官自代謹連狀

為長安縣耆壽詣相府乞奏復尊號狀德宗時

長安等縣耆壽某乙若干人右某等伏以生長明時游泳皇

澤鼓腹且知於帝力食毛敢忘於君恩左傳昭公十七年食上

也竊見近者祥瑞所呈周於百郡豐稔之報均于四方有以

知上玄降靈誕告嘉應彰我君文明之化仁育之恩大道既

行鴻名未舉是以殷勤昭著如斯而不已者也某皆陶煦純

仁成此耆老生既無補死而何求唯願上聞帝閣復建尊號

用彰聖德以報皇慈披露血誠伏守天闕糜軀碎骨猶生之年謹以今日詣光順門輒進表訖伏惟相公贊翊明主共致太平而使名號尚鬱天人失望草野愚鄙切有感焉伏望敷奏之際開陳其要俾下情允達大願克從退就泉壤樂而無恨輕黷國相伏待典刑謹狀


為京畿父老上府尹乞奏復尊號狀

京兆尹韋夏卿

長安縣耆老某乙等若干人右某等幸以羸老獲覩昇平蹈舞薰風謳謌壽域譬之草木何以報天寤寐焦勞不知所措伏見聖君臨御玄化升聞瑞應匝於萬方曠與而作豐報窮於四海神祇注意天地傾心覺悟生人必有為者一本將有為蓋以挹損徽號近二十年盛德益光大名未復致遠邇積慮幽明憤懷故自古以來嘉瑞之至未有如今歲之盛也斯乃上文深旨下人懇誠勤勤相符正在於此某等眷戀明時

朝夕是切唯願早復大號以契天心庶得聖政益光鴻化弥
遠少遂踴躍之甚今請詣光順門進表昧死上陳伏以侍郎
道合君臣惠敷黎庶儻遂收採愚慮致貢天庭俾草萊微誠
得達萬乘非所敢望惶懼伏深謹狀

增廣註釋音辯唐柳先生集卷之三十九



浙江圖書館

增廣註釋音辯唐柳先生集卷之四十

祭文哭辭一本无

祭楊憑啓事文元和十二年

年月子婚謹以清酌庶羞之奠昭祭于丈人之靈宗元娶憑

為憑之從子婚或云即憑之婚也一本子婚字卿雲輪困卿

下有使持節柳州諸軍事守柳州刺史柳某字區倫切天漢昭回自然物外寧雜塵埃公稟間氣間居心靈

洞開翱翔自得誰胥羣猜孝友忠信聞于九垓該音摘華發藻

其動如雷世榮甲科大曆九年憑亦矜顯務一本公之後

德有而不顧御史之選朝之所注公勤于養投効引去憑繫

度府召為監察御中時任方隅威刑是務公施其惠亦莫有

選切與迂同京兆之難下多怨怒或由以黜瓦石盈路貞

中京兆尹李實貶通州長史市里歡呼公捍其強仁及童孺

皆袖瓦礫遮道伺之實由間道獲免元和四年憑自江左迁而出擁道牽慕道峻多謗德優見憎

煩言既訖倚法斯繩憲與西御史中丞李夷簡素有隙夷簡劾

治京兆有績但貶賀州臨賀尉南過九疑山各謂謫東逾秣

陵秣陵江寧今建康也謂顛沛三載天書乃徵入傳王國嘉

聲聿興自杭州詔入為王傳事東宮致政是膺自王傳徙年唯始至

道則弥勸頡頏今士頡頏音杭又音剛与優游

德藝實期濬發再光文陛謂吳天濂茲降厲嗚呼哀哉其

以通家承德夙奉良姻莫成子姓早喪淑人貞元十五年子

元子二十二恩禮斯重眷撫惟新綢繆其志實敬實勤迨今挈然

十有八祀家缺主婦身迁萬里謗言未明黜伏逾紀德輝間

絕音塵莫俟歲首發函視遠如近雖當沉痾心術猶治撫膺

頓首流泣澄視瞻云瞻文澄切直既斂而還莫傳音旨嚮風

長衝於茲已矣嗚呼哀哉承訃之始卜兆既逾載馳斯文出

拜路隅哀從海澨視齋切禮致皇都寸誠相續終歲不渝天道

悠遠人出多虞寄心双表關墓長恨囚拘嗚呼哀哉

祭穆質給事文一本作祭穆抚州文

昭祭于給事五丈之靈自古直道鮮不顛危禍之重輕則繫

盛衰矯矯明靈克丁聖時形軀獲宥三黜无虧賢良發策始

振其儀天子動容敬我直辭貞元元年德宗策賢良問以天

免卜式著議弘羊載之冊府命以諫司議付迁左補闕抗奸

替否與正為期奏書百上知无不為誰謂劉賈賈詢英風莫

追給事黃門奉職樞機封還付外動獲其宜賈累迁給事中

誣不無曠尔位惟公在斯達道之行實惟交友患難相死其

廢目久公實毅然誓均悔咎挺身立氣不改其守黜刺南荒

義言盈口元和四年京兆尹楊憑貶臨賀封章致命志期殞

首貌矣高標誰嗣于後王命南下郡符東剖流滯湮淪殲此

遐壽或云自開州移抚嗚呼哀哉公之伯仲信惟先執記曲

見父之執執友也穆質穆負穆賞並秘書監穆寧之子見子厚先友碑陰記感激之風道同義立

中司守直奸權是襲致之徽纆誣以賄入瑣瑣其徒榜訊愈

急榜薄庚切筆也穆贊擢侍御史鞠盧岳妻分財事持平不

希其意錄其意錄詔下三司議于洛邑噫我先君邦憲是輯同上贊

關過登聞鼓詔三司使柳鎮李觀楊瑀覆治元之猶出為邢州刺史鎮亦坐貶夔州司馬平反羣枉反

袁切後書平反注潘大忤三揖揖在五故切左傳哀公二年三

危法旋加諧言俄及左宦夔國謂子厚之父坐貶夔州司馬

左宦曰義夫掩泣邪臣既黜乃進其級貞元八年贊參敗乃端

于庶僚直聲允集虔虔小子夙奉遺則公在郎位再罹擯抑

時忝憲司竊分枉直抗辭犯長有志無力惟韓洎劉監察御史韓泰

同憤霑臆道之不行銜媿罔極公在左掖議登秋官先

定于志將發其難決白無狀以申禍端秉心撰詞義不可于

會逢友累累力偽切謂坐與曾莫自安感于褚中褚中呂切

楊憑善而坐貶謫

看他氣勢

三年荀璜之在楚也鄭賈人有將實諸褚中以出既謀
之未行而楚人歸之賈人如晉荀璜善視之如實出已有涕
沈瀾沈瀾胡官切瀾落官切瀾瀾注涕泣闌干嗚呼哀哉壽宮又翳狼荒
萬里禮不可違誠不可弭抽哀洩憤舒文致美願溯海風以
窮洛涘清明如在神鑒何已嗚呼裕思以慰勤止

祭呂衡州温文

呂温字化光一字和叔

維元和六年歲次辛卯九月癸巳朔某日友人守永州司馬
貞外置同正貞柳宗元謹遺書吏同曹書吏姓名家人襄兒奉清
酌庶羞之奠敬祭于呂八兄化光之靈嗚呼天乎君子何厲
天實仇之生人何罪天實讎之聰明正直行為君子天則必
速其死道德仁義志存生人天則必天其身吾固知蒼蒼之
無信莫莫之無神今於化光之歿怨逾深而毒逾甚故復呼
天以云云天乎痛哉堯舜之道至大以簡仲尼之文至幽以
默千載紛爭或失或得倬乎吾兄獨取其直貫于化始與道

咸極推而下之法度不忒旁而肆之中和允塞道大藝備斯
爲全德而官止刺一州年不逾四十佐王之志沒而不立豈
非修正直以召災好仁義以速咎者耶宗元幼雖好學晚未
聞道泊乎獲友君子乃知適於中庸削去邪雜顯陳直止而
爲道不謬兄實使然嗚呼積乎中不必施於外裕乎古不必
諧於今二事相勸一本勸從古至少至於化光最爲太甚理
行第一尚非所長文章過人略而不有夙志所蓄巍然可知
貪愚皆貴險狠皆老則化光之天厄反不榮歟所慟者志不
得施蚩蚩之民不被化光之德庸庸之俗不知化光之心斯
言一出內若焚裂海內甚廣知音幾人自友朋彫喪志業殆
絕唯望化光伸其宏略震耀昌大興行於時使斯人徒知我
所立今復往矣吾道息矣雖其存者志亦死矣臨江大哭萬
事已矣窮天之英貫古之識一朝去此終復何適嗚呼化光

今復何爲乎止乎行乎昧乎明乎豈蕩而爲大空與化無窮乎將結而爲光耀以助臨照乎豈爲雨爲露以澤下土乎將爲雷爲霆以油怨怒乎豈爲鳳爲麟爲景星爲卿雲卿字以寓其神乎將爲金爲錫爲圭爲璧以栖其魄乎豈復爲賢人以續其志乎將奮爲明神以遂其義乎不然是昭昭者其得已乎其不得已乎抑有知乎其無知乎彼且有知其可使吾知之乎幽明茫然一慟腸絕嗚呼化光庶或聽之

祭李中丞文

御史官屬共祭

維貞元二十年歲次甲申五月某朔二十一日故吏儒林郎守侍御史王播將仕郎守殿中侍御史穆贇贇當辨奉議郎行殿中侍御史馮邈承奉郎守監察御史韓泰宣德郎行監察御史范傳正文林郎守監察御史劉禹錫承務郎監察御史裏行柳宗元承務郎監察御史裏行李程等謹以清酌之奠

敬祭于故中丞贈刑部侍郎李公之靈惟公堅貞守道潔廉

成德當官秉彝卓爾孤直高節外峻純誠內植臨事不回執

心無惑矯矯勁質一本質字擢於天枝式是邦族粲其羽儀發

跡內史參其軍事古內史地自下刺上直詞屢至波切前

賈山自下刺于後受邑歷撫疲人公去逾久人滋味呻復從

京邑辟署司錄振其綱條端我甸服黠吏屏氣屏必貪官窒

忿赫赫有命登于王庭邦賦以修國用是經實抗其長以奉

準程校其簿書無失音贏音贏音盈進為正郎句會是

專會古外切乃刺于商虎節登山出為商化堵為沃

壤音確音簿致夷於艱道途謳歌有詔徵還丞我御史執

其憲矩糾狄之志直清是舉慎擇寮吏必薪之楚詩楚

楚注楚雜終始七載不忘祗勤事無觀瞻道有屈伸阜

囊密啓忠懇屢陳令望逾重名卿是屬拖紳引也論語

其楚注楚雜終始七載不忘祗勤事無觀瞻道有屈伸阜

囊密啓忠懇屢陳令望逾重名卿是屬拖紳

抄

云疾君視之東首加朝服施紳卷衣已復卷與捲同復始死之招魂也禮記喪大記曰復者皆升自東榮中屋

復危北面二三号禮備賙贈公羊曰車馬曰賙貨財曰賙注皆

捲衣投于前禮備賙贈公羊曰車馬曰賙貨財曰賙注皆

助生送恩加命服窆窆有時窆之倫切厚也窆音夕夜也歲

月逾蹙播等猥備官屬况當薦延承其規模奉以周旋近或

逾月遠則累年咸承至公官守獲全故事盡在遺風藹然俯

仰庭除顧慕潏潏致誠一觴拜訣堂筵嗚呼哀哉

為韋京兆祭杜河中文韋夏卿祭杜確

維年月日甲子京兆尹韋夏卿謹以清酌之奠敬祭于故河

中節度贈禮部尚書杜公之靈自古謀帥怕在諸儒晉登却

穀亦以詩書却乞逆切左氏作卻俗從去穀胡谷切左傳信

數詩書而爰及近代二柄殊途授鉞之臣率由武夫時惟明

靈道冠學徒天子有命摠其戎車何以邦之維絳及蒲州名

阿有山有河殿此大都殿下練切鎮也焜燿昌時振宣後學命服之

盛光于列岳謂保豐福永縻王爵壽如何期神不可度持洛

嗚呼哀哉大歷之歲詔徵茂才時忝同道一作俱起草萊懷

策既陳綸言煥開考第居甲大曆二年夏卿與弟正卿及確同率賢良方正高弟自天

昭回分命邦畿夏卿初為高陵主簿步武獲陪同志為友星霜屢迴長

我十年禮宜兄事記曲禮十年以長則兄事之周游歡洽莫不如志于後

多幸謬列周行之列行戶剛切詩實彼周行注行列也置周

編于列位又同制書並命文昌及余稍遷吏部為郎公屬中

兵此焉分行夏卿為吏部員外郎再獲聯事東西相望望音

出處同道樂惟其常後余出刺九載南服夏卿自給事中出為寧州刺史

公自左輔遂膺推轂推通回切史記王者之遣將也跪而推轂貞元十五年以同州刺史

謂河廣願言莫由魚魚之間往復相醜惠好斯厚惟以綢繆

繆直由切余弟宗卿獲庇仁宇韋宗卿為河中從事命佐廉問忘其愚

絳觀察使我勤魏闕爰摠九流貞元十五年夏卿為吏

中尹河中謂河廣願言莫由魚魚之間往復相醜惠好斯厚惟以綢繆

繆直由切余弟宗卿獲庇仁宇韋宗卿為河中從事命佐廉問忘其愚

魯假以羽翼俾之騫翥

騫音軒翥音章

惠文我

二惠文冠也秦時法吏冠也

後惠文

赤紱在股

紱音弗詩作赤紱以赤韋為之古蔽膝之象此謂韋宗卿

祭映斯極從

容何補承慶惟深報恩無所嗚呼哀哉天子震悼哀我良臣

密印追贈尚書禮殷四方興嗟况此故人循念平昔徘徊悲

辛卜葬斯及禮儀畢陳敬薦行潦洩哀茲辰嗚呼哀哉

為韋京兆祭太常崔少卿文

韋京兆

維年月日甲子京兆尹韋夏卿謹以清酌庶羞之奠敬祭于

亡友故太常少卿崔公之靈惟靈率是良志蹈其言德炳蔚

文彩周流孝殖

承職切左氏夫李殖也注殖猶生長也

孔氏之訓專其傳釋黃

老之言探乎幽曠

土革切

六書奧秘是究是索

六書一曰象形二曰指事三曰

會意四曰假借五曰形聲六曰轉注並字李

叩爾玄關保其真宅藝成行備披雲

騁跡康莊未窮

爾雅道五達謂之莊

濛汜已極

汜音以楚辭注汜水涯也

言日出東方陽谷之中暮入西極濛水之涯

嗚呼哀哉夙歲同道從容洛師

書洛誥朝

至于洛師唐東都接袂交襟以遨以嬉策駕嵩少嵩失弓切少失照切嵩高少室二山

名在河南府沂舟漚伊沂音素漚伊二水笑咏周星左傳一星終矣謂十一年其樂熙

熙丹青可望青雲可期洛中十友談者榮之惟鄭洎齊各登

鼎司鄭餘慶齊映或喪或存山川是違繫我夫子繫烏弓切烏宜相

清時命之不遐孰不悽悲嗚呼哀哉往佐居守及爾同寮笑

傲交歡匪夕則朝入同其室出聯其鑣卑驕切馬衛也投文報章既

歌且謠及我為郎優游吏部公為御史持憲天路文陛徐趨

眷戀相顧歡愛之分有加于素自我于邁歷刺東吳離憂十

年復會名都余為侍郎銓摠攸居實得茂彥奉其規模聯事

合情又倍其初我尹京兆公亞奉常步武相望佩玉以鏘謂

休喻樂長此翱翔抱疾幾何忽焉其亡嗚呼痛哉原念往昔

愛均骨肉我有書笥盈君尺牘寤言在耳今古何速失渌興

哀匍匐往哭撫筵一呼心焉摧剥普木切日月逾邁佳城遽卜

素車千里逶迤山谷

逶迤於危切晦爾精靈藏之斧屋禮記檀弓孔子

曰吾見其若覆夏屋者矣見嗚呼哀哉丹旌即路祖奠在廷去

此昭昭就爾冥冥敬陳泂酌以告明靈詩大雅泂酌彼行潦注水之薄者遠酌取

之臨觴求慟庶寫哀誠嗚呼哀哉伏惟尚饗

為李京兆祭楊凝郎中文

李實

維貞元十九年歲次癸未四月辛未朔某日檢校工部尚書

京兆尹司農卿李實謹以清酌庶羞之奠敬祭于故兵部郎

中楊公之靈惟靈清標霜潔馨德蘭薰沖和茂著孝友彰聞

濬發洪緒激揚清芬思侔德祖思蘇恣切後漢楊脩字德祖學紹子雲揚

二事並瑩彼靈府彬其英文吐論冠時舒華軼羣軼音百氏

之奧一言可分旁貫釋老豈伊典墳謂躡公相躡泥切贊揚聖

君高山安仰逝水云云嗚呼哀哉惟是伯仲並為士則疑兄

凌皆有連擢首科大曆九年憲中進士弟迭居顯職公之懿

名於時

美發自朋僚播于四方令問克昭炯然獨識卓爾孤標翼翼

其容羽儀清朝載筆東掖動無不紀掖吏益切疑為起草南

宮時論增美疑子司封負外郎華正封大梁有艱天子是使

貞元十一年疑為宣武軍節度判官是密勿之謀唯道是復

復歸郎署職茲中兵貞元十八年疑起簡稽無撓以考其成

周禮遂人注簡稽士卒兵器簿書簡猶閱也稽猶計也英風未攄沉痾遽嬰痾於何孰

云積善降以促齡昔歲江表獲同宴語謬為好仁不我遐阻

公之元兄謂楊復惠德音優游多暇春晷逾深清言盈耳尺

素相尋冀茲競爽左傳昭公二年晏子曰一惠競爽猶可又弱一个焉姜其危哉焜耀儒林

及此彫落祗摧我心嗚呼哀哉遣車就引繼曰遺語戰切禮

所包遺奠而藏之者哀挽先路挽无一反切引也挽歌者喪迅

風悽悲頽景幽暮傾都殄瘁揮涕相顧矧茲故人誰任痛慕

潢汙一觴詎為平素尚饗

為安南楊侍御祭張都護文

祭張舟

維年月日故吏某職官某敬祭于故都護御史中丞張公之

靈交州之大南極天際禹績無施秦強莫制或賓或叛越自

漢世聖唐宣風初鮮寧歲稍臣卉服漸化推髻推傳追切卒

為華人流我愷悌士愛之理惟公克繼二國吳志士變字彥

在郡二十年疆場无事 勤勞遠圖數替嘉惠銅柱南表前功載修元和

張舟自安南經略副使遷都護本空道北出空与孔同張為

國當式遏蠻陬將侯切聚居梯航連連旌旆悠悠輻湊都會

皇威以流方荷天寵宜公宜侯聲馳帝鄉魄降炎州禮記降

謂死也嗚呼哀哉公昔試吏時推清能公昔乘輅輅音岳使者

經略人知準繩鯨鯨以安征賦用登柱史稍遷郎曹繼昇程

功佐理海裔斯澄張舟三歷御史檢校尚書禮部員外郎轉

乃紀南方專任是憑謂正檢校太子右庶子兼安南都護兼

禮分五玉恩錫百朋尚書修五禮五玉毛詩菁者莪錫我

多開府辟掾羣英攸屬顧茲陋微敢廁甄錄甄猶切既受筐

篚載加命服賜有楚冠用慙豸角豸澤買切續漢志云解豸

之故以星言赴命注望幃幃幃一本神羊能別曲直楚王嘗獲

氏左宦謂侍御爰滯中途流連隱憂言念涕濡子姓莫在使

命頓殊一本命兢魂吊影敢廢斯須情留江徼音夢結天隅

恩切有裕詩此令兄弟義乖從役顧慕長慟展轉增惕筋力

猶在音中腸屢激方俟銷憂求

期投跡謙德不福法星降災廷懸遽徹禮記大夫无故不徹

屬喪則駟訃爰來駟音日撫躬益恨循顧增哀瞻容莫及報

德何階輶車北轅音申莫克諧望拜徒至音塵水乖

南州斗酒後漢曹操祭橋玄墓曰庶寫幽懷

祭萬年裴令文裴謹字

封叔

惟靈孝友之性寔惟天與飾以儒書洽其譽處

枵虛弱切疑當作嗚虛大廓爾其宇人以義來我以身許

裳赴急不避寒暑交半域中多容鮮拒賢於博奕媚茲讌語

或泛或沉兩得其所考禮成文隊章克舉唐自開元制禮一云

寢告因事擗綴裝壁佐杜黃裳照奉宗展樂承職音官式序

裴堂為太常主簿既奏復集禮亦圖筍虛音筍巨懸鐘

籩日播在奉常永傳儀矩脫略細謹傲忽煩言坦然自居無

顧仇怨也文葉空負百年怨也卒成官謗莫究禍源坐黜中

徙再期騰騫音軒飛兒下以鳥裴壁為金川滑吏所請孰云

蓄憤遽此歸魂嗚呼哀哉世稱姻黨鮮克終吉唯我與君久

而逾密追惟淑德嬪于君室厚之上順尊卑下歡儔匹致

其孝敬式是仁恤爰及童孩處心勿失君之仲季墜兄堅弟

文茂於文術游藝相從操觚散帙或操觚而率爾注

木之方者古人用之以書猶今之簡也五臣注解木也古人用以為筆誤矣顧余寒劣則迹奔逸

絕塵而回瞠乎在後莊子顏回曰夫子奔逸二紀于今交情若一屢聞彫缺互見

透黜契闊伶俜潘云契詰結切壽死生契闊注勤苦也伶音

分形間質間音間方期末路稍追曩日時不我謀於焉斯

畢營營衛尉壘之獨守邦秩想其永哀淮海蕭瑟嗚呼哀哉

聞疾馳簡其命未返翩其計書來自番禺番禺音番禺二山各在

塊守窮荒山夔與居夔音夔夔渠追切匡語木石之怪

有眉不申有志不舒况逢零悴當此囚拘拊膺長慟

長慟何如一本作天非禮無取沉哀有餘嗚呼哀哉

祭呂敬叔文

呂恭字敬叔

維年月日朔友人從內兄守永州司馬真外置同正真柳宗

元謹以酒肉之奠致祭于亡友呂敬叔之魂嗚呼鞠躬歷聘

或以不答也孔子屠漁乖離夫何克合太公望屠於朝大或不

容小或見遺往來逢迎今古參差參初金切初宜切惟子之中忠勇

充之以誠與物退受其疵智謀宏長辯論恢奇巖峩博大山石

本作魏與世異姿何付之器而躋於時躋音致常曰余武王功是

期誓者其力以達皇威詩頌者定尔功邊鄙不靖俾供輿

師左傳成公二年母令輿師偕入君地輿衆也呂恭為山南

西道掌書記江西團練使參軍柱管防禦使嶺南節度判

官諸侯順道戎貊咸宜今其沒矣哀志之違知之無補世又

罕知嗚呼哀哉昔與子游尚疑其志及觀其長誠任其事日

異其能歲增其智進如川行浩浩而遂天乎有亡中道是棄

余慎取友惟心之虔周遊人間餘二十年擯辱非耻升揚非

賢一貫于道無四五焉子之我知不以事遷言而見信貌阻

心傳我默終世子天於前徒稱子志誰信我言與子俱已孰

云後先惟子之兄黼呂志同義比官刺一州四十而死子仕

方初百年有幾如何默默去我適已適市專切疾速也有穉之妻有

弱之子海墻東周號哭萬里墻而宣切海墻循州敬叔葬颯葬紂
之行獲出於此通周禮封人置其絳文牛系也與陳酒肉
式嘉且旨讀茲哀辭以奠而誅魯水嗚呼敬叔吾道已矣尚
饗

祭崔君敏文永州刺史

天產崑崙者難為王植鄧林者難為木公以令望顯于華族

藝遂六書字書學該七錄阮孝緒耽此黃老合切恬於寵辱

入補黑衣戰國策左師蜀龍曰頭得補黑衣之數以出參甸

服敏為盤屋三源田紀綱淮海政令惟肅揚州謂敏遷揚

州錄事宰制岳濱周於仁育謂為許州臨穎諸闡典議直清

攸屬之款切謂自揚州久次推能二州繼牧謂為歸州刺至

于是邦率由舊俗和易勿亟優游自足既有少吏勤于庶獄

妖誣殄除淫祠翦覆出令三歲人無怨讓徒谷進律未行

神何速其咸以罪戾謫茲炎方公垂惠和枯槁以光鳴鑿滴
野泛鷓鴣以湘鷓鴣悅聲切亦廣筵命樂華燭飛觴為歌屢
舞終以無荒紛慮斯併憂懷暫忘良時不再斯樂難常今其
柰何顧慕感傷嗚呼室有迭去川無息流追懷曩辰恍若夢
遊莫徹中寢魂遷乘舟邦人永思匍匐隱憂況我懷德心焉
若抽繁誠可鑒顛藻非羞

祭段弘古文

世病乎直人悅其和行而不容雖聖柰何提其信義誰與同
波硜硜以終堅勁兒堅不可磨游得其人友擇其益見李

景險曰温留門下夜与言不知日出温卒景險遂乃南見劉禹錫柳宗元二人言於崔公公時洽永州知其賢始如

可進終會于厄精誠介然將貫金石追恩懷舊興詞憤激君

昔來辱備聞嘉言宵會北堂晝宴南軒去適于越弘古南抵

過桂在守拒不為礼不日其旋載除我居望爾北轅今者之

憤怒發病死逆旅中

來舟旋有翩閱茲英志限此中年嗚呼哀哉居實斯貧有子而幼孰云復信惟天所佑道途之資敢廢于舊志君之行銘石斯授有索其觴有楚其豆庶鑒于誠臨茲饗侑

祭李中明文 李中行敏字中明

致祭于亡友中明之靈夫子之道邈以恒兮夫子之志勵以競兮求中謙末若履永兮敦仁以孝實烝烝兮唯毀死虧禮其他莫懲兮 一本作誰毀无馬禮莫徵兮 秉端守一信啟明兮月踰歲長行若登兮外温其顏内類繩直兮謾言來加不遽陵兮舉世羣非自視弘兮庶優游于道大賚是承兮掩寃舒抑與類升兮胡茫茫其不信卒以禍仍兮豈韜忠哀信 一作獲誰一作覆信哀一作裏 鬼所憎兮將教言吾欺終不可徵兮吾方期子于暮冀有興兮今而弃余志若崩兮若將援而上喪厥肱兮恒其殞心交臂膺兮水之綿綿山萬層兮又淫以雨雪紆委罔確兮

胡切 禮字登

鴉鵂夜啼群眼凝兮

鴉與鴉同 充臆切 鴉屬鴉 音休 鴉屬鴉 惡鳥名 或音鴉

設魂鬼以行中道殘疏兮

韻巨貝切 唐韻其沙切 殘疏 鬼出

貌疏又其極切 疏 欲死兒

臆魅撫呵曷可憑兮

臆 丑布切 鬼屬 臆 莫觀

也 呵 虎何切 責 也 怒也 與詞同 聊致吾慎斯言孰稱兮

慎一本 作憤

哭張後餘辭

并序

後餘常山張氏孝其家忠其友為經術甚邃而文少余七年
頗弟畜之與之居終日冲然忘其有人與之言鏗爾而厲辯
而歸乎中凡人有道而不顯於世則曰非其世也一本无則
道而得乎世然猶不顯則曰命一作本命之微不可知知而
索乎外者曰性與貌後餘之性可謂良矣其貌可謂肅矣本
无可謂博實弘裕宜為大官者老求其所以天賤無可得焉
既得進士明年疽發髀卒後餘之死人咸痛之曰天之佑善
人而殺是子何也激者曰天之殺怕在善人而佑不肖莊周

之說以爲人之君子天之小人張君豈天所謂小人者耶是
二者又非論之適也吾謂善與惡天與壽貴與賤異道而出
者也無取喜怒於其中道之出者多其合焉者固少是以君
子之難貴且壽也後餘母老而喪良子東西者助之哭焉况
其知者耶然後餘不與諂冒者同貴不與悖亂者同壽歸索
乎身聞道而死雖勿哭焉可也嗚呼一本訛下更使既聞道
而且貴且壽則其顯庸也遠矣又烏能勿痛乎遂哭之以辭
嗟嗟張君善不必壽惟道之聞一日爲老人皆反是百稔猶
幼子之優游是亦黃耆嗟二張君寵不必貴尊嚴爲仁早服
高位淫諛肆慾銀文淪弃綴也子之崇高無媿二事吾見
瞞二而童何切赫而辱進襦袴於几杖負泥塗於冕服已
雖有餘人視不足子之跡不混乎其間者幸也且賀而弔宜
馭而哭吾其過乎與其寵而加貴善而加壽道施于人慶及

于母從容邦家樂我朋友豈不光裕顯大歟而不克也則弔而哭者其無過乎嗚呼

楊氏子承之哀辭

并序揚
憑之姪

楊氏子承之既冠有成人之道其明年四月不幸而夭其外姻解人柳宗元爲之慟且出涕噫是子也氣淳以原志重以勤確然而直方吾未知其止也作辭賦書論其言甚偉余方愛之謂可以爲器者故不知慟且出涕况其親戚者乎凡天之生物也不類精麓紛疒一本作賢愚混同或遠而合或親而殊然則雖人親戚亦將有不克知其美者若楊氏子者其親戚皆賢咸得知之者也使知之徒以增其悲愁怨號之聲無爲也用是爲之辭以相其哀焉相息
亮切

葆醇熙兮承貞則懿文章兮好循直誠耿介兮又綽寬學之勤兮行弥專質圭璋兮文虎豹超凌厲兮馳聖道力未具兮

志求通道之遠兮足先窮有母噉噉兮有弟哀號噉音世父
孔悲兮湘水滔滔去昭曠兮沉幽冥魂冥冥兮竟難託難一本作
誰死者靜兮生者愁子之淑兮徒增憂志甚良兮命甚蹙子
之生兮又何欲悲吾耳兮動吾神誰使子兮淑且仁嗚呼已
乎不可追終怨苦兮徒何為徒一本作獨

增廣註釋音辯唐柳先生集卷之四十

浙江

圖

書

增廣註釋音辯唐柳先生集卷之四十一

祭文

舜廟祈晴文代永州刺史作

年月日某官某敢用牲牢之奠昭祭于虞帝之神帝入大麓

雷雨不迷帝在璿璣七政以齊九澤既陂錫禹玄圭至德神

化後王與稽勤事南巡祀典以躋此焉告終此謂零陵郡宜福遺

黎廟貌如在精誠不睽今陽德懋候懋與有滄淒淒降是水

潦混為塗泥岸有善崩史記岸善崩謂喜崩也流或斷隄泛濫疇隴坡

陀圃畦怕雨獲戾循咎增悽忍茲嘉生均彼蓬藜敢望誅黑

蜈音吳本亦作蜈或從疾神蛇也扶陰蜺扶音秩擊也蜺與霓同式乾后土以廓

天倪稔盛不害餘糧可棲或斲或搜音搜浙米聲為酒為醢醢即醢字

鎗之笙鏞坎之鼓鞀百代祀德毗心不攜豈獨蘋藻徵諸澗

溪帝其聽之無作神羞

雷塘禱雨文

柳州作一本載於韓文者誤

惟神之居為坎為雷專此二象宅于巖隈風馬雲車馬一本

肅焉徘徊焉一本能澤地產以祛人災欽茲有靈爰以廟饗

神惟智知我以誠往苟失其應人將安仰歲既早曠害茲生

長曠音漢熱氣也長丁丈切敢用昭告期于盼蠻盼黑乙許訖二切蠻音

虫某自朝受命臨茲裔壤莅政方初庶無淫枉潔廉自持忠

信是仗苟有獲矣神其可罔罔作調擢擢嘉生惟天之養豈使

粢盛夷於草莽粢音咨盛平声騰波通氣出地奮響欽若成功淮神

是獎

祭壽縣文

元和十四年裴行立詩黃賦因作此

維年月日某官以牲牢之奠祭于壽神以養牛尾為之在左

惟昔禮有大特化為巨梓秦人憑神乃建茸頭禮潘本作禮

秦襄公二十七年伐南山大梓禮大持注徐廣曰今武都故道有怒特祠圖大牛上生樹本有牛從木中出後見於禮水

之中列異傳曰秦文公時梓樹化為牛以騎擊之不勝或墮地髮解被髮牛畏之入水故秦因是致旄頭騎以先驅其謂

亂也是為兵主用以行師漢宗蚩尤前漢高祖紀蚩尤於庭亦作靈旗

既類既禡指于有罪禡音駕師祭也史記蚩尤為伐南越以指所伐國北面詔盟周禮秋官司盟云抗侯以射抗若浪切詩賓

而擗之於侯也雖有古典今棄不用惟茲之制神實守祀

有蠢黃孽孽妖也謂黃少卿保固虐人俾茲太平猶用戎律天子有

命施威于下惟守臣某董眾撫師秉羽先刃出用茲日敢脩

外事禮記外事以剛曰爰薦求牛周禮牛人祭祀共其享牛求牛者禱祀求福之牛庶無

留行以殄有罪國有祀典屬于神明傷夷大命無敢私顧惟

克勝敵以全天兵去茲蠢孽音賊並食苗虫達我涵育收厥

隸圍役于校人隸郎計切役也圍養馬者校音效周禮蠻隸掌校人掌馬海隅黎獻永

底于理無或頓刃頓徒困切通作鈍左傳襄公五年甲兵不頓注頓壞也以為神耻

急急如律令

馮牙文

事同上篇

維年月日某官某以清酌少牢之奠馮于軍牙之神馮音罵

兵書曰牙旗者將軍之精凡始整牙必以綱日綱日者謂上剋也兵牙之日吉氣來應大勝之徵秦定百越

秦始皇三十二年取百越之地以為南海桂林象郡漢開九郡漢武帝元鼎六年定越

合浦交趾九真日南朱崖儋耳郡自茲編列同于諸華天寶兆亂北方荐役

惟是南方久稽討伐藩蠻怙險乳字生聚悖傲威命虐夷齊

人黃姓陋孽音曰孽魚列實恣暴盜僮壯殺老掠敘使臣與

奪同使去声梟視洞窟梟堅切以逃大戮今皇帝憲宗受天景命敷

于有仁凡百凶毒罔不震伐齊魯誼殄魯一本作青謂趙魏

顯化魏謂魏博節度使田弘正以所管六州請吏于朝溥

天之下咸順帝理唯是瑣眇尚恣昏頑致天震怒命底于罰

官臣某裴行立也左傳襄公十八年其官欽率邦典統戎于

征惟尔有神懋揚迺職敢告無縱詭類無劉我徒左傳成公

屢劉皆殺也鏃刃鋒鏑畢集于兇躬鏃子木切矢未也鏃五各切劍端也鎧甲干盾

咸完于義軀盾堅允切干也焚燒蕩沃亮切餘往如行虛俾人

懷于安以靖离之隅南方在是幸也往欽哉無作神羞急急

如律令

祭井文元和十一年

致祭于水土之神惟神蓄是玄德演為人用因語夫水土演而民用也注水

土氣通為演不窮之養功齊乳湏湏多貢觀勇惟古有制八家所

共黃帝制井田鑿井其中八家共之是邦闕焉官守斯恐蘊利茲久閔靈則

深爰告有神惟惻我心易井卦井澌不食為我心則卜茲利兆于彼城陰

神斯有仁是鑒是臨惟昔善崩前漢溝血志少序崩善猶喜也今則堅好惟

昔逝石逝一本作匝今則順道終古所無幸從心禱非神是與人

力焉保發自玄冥成于富媪媪烏皓切女老徐前漢郊祀歌后土富媪注坤為母故稱媪也

克長厥靈不愛其寶敬修報禮式薦蘋藻

祭門文祈晴也祭音亦祭名

祭于城門之神惟神配陰含德司其翕關能收水沴以佑成

績又沴音疾妖也徒音疾切淫雨斯降害于麩麥野夫興憂官守增惕諸

陰既閉陰一本作陽設前漢董仲舒治國以春秋災異之變

是休徵未獲敬用瓢齊禮人祭門用瓢齊社子春音資以展

周索索素各切左傳定公四年周索鬼神而祭祀乃蜡祭也納其雲

氣復我川澤惟神是依式佇來格

祭六伯母文臨印令之妻李氏子厚代叔父作

維貞元十七年歲次辛巳二月癸巳朔二十五日丁巳姪男

華州華陰縣主簿纁婦云謹以清酌庶羞之奠敬祭于六伯

母之靈伏惟天錫考壽神資淑德高明而和柔惠且直敬長

慈幼宗姻仰則不借貴位孰不棲惻嗚呼哀哉移天夙喪文

二十移所天注女子在家則天父嫁則天夫移所天謂嫁夫也丁此閔凶主器繼天易長子主器

莫承于宗懿彼賢女孝誠自中温温良人竟揚德風承順必

敬滑甘則豐致養有榮其道克終天禍弊茲遠承哀訃芳遇

纏牽官事一本作仕奔哭無路亦既請告聿來京師以號以呼祇

拜堂帷子姓彫落宗門日衰託于外姻陳此靈儀李氏王女

王紇陳長皆賢貞元十六年揚氏女扶侍至京師獨疾卒于

陳氏自小敏至于大敏一婿實參主之有孫二人長曰曹即

奉之以縗幼女號恋誓言固之謂陳長仁賢見容曲遂其私

謂陳長內顧孱眇祇益摧悲尋祖山切誠愧于人豈曰得宜今

歲調選並去獲參士林主其簿書子華之陰受祿雖微莫遂

曩心夙駕東征祖較將臨發切道祭朔望是違哀懷豈任嗚呼哀哉

祭獨孤氏丈母文獨孤申叔之母

維年月日某以清酌之奠祭于獨孤氏丈母之靈惟靈育德

涵仁克生賢子獨孤申叔字子重卒年二十七生而不淑未壯而死名播九

圍望高羣士雖微祿位人羨其美在抱無孫承家乏祀孝女
良壻適道燕喜其曩與子重道契義均知心為貴實在斯人
奉養宜繼將致其勤竟罹禍謫逾紀漂淪夙志斯阻微衷莫
申冀榮末路私願獲陳遽此承訃天乎不仁嗚呼哀哉昔也
高堂世悲其獨今茲玄室孝道當復神感昭融不疾而速靈
識逾濬承歡載穆式致其安寧寘其毒願言有知以慰幽躅

玉切

祭從兄文

柳寬字存諒子厚五從族兄

嗚呼我姓嬋媯

嬋媯於虔切長兒

由古而蕃鍾鼎出紹圭茅並

分至于有國爵列加尊聯事尚書十有八人中遭諸武抑遏

離冤陪弊不振

陪弊二切

數逾百年近者紛紛稍出能賢

族屬於曜

族與同

期復于前君修其辭楚越猶傳從事諸侯假

乎郡藩

乎疑當作守柳寬從人

謠吏畏威惠咸宣神乎我欺

命返不延寬中厲氣嘔油興起之望是越是愆歲首去我將

濱海堧留遊歡娛涉月弥旬夜藝膏炬晝凌風煙理策嶠嶮

備品十書丁切說文曰縻舟溝溪溝鈕山切溪于將辭又醉

就往而旋今者之來徒御淒然垂帷澹澹垂貌衣蔽前飛

魂翻翻升拜無形合哭誰聞作洽一本逝歸從祔于鄧之原銘

墓有辭發我狂言祗陳其悲匪暇于文觴有旨酒且有狔有

狔與豚同伊莫之菲而誠孔繁靈耶罔耶有涕漣漣

祭弟宗直文子厚同祖異父弟字正夫

維年月日元和八月八哥以清酌之奠祭于亡弟十郎之靈吾

門彫喪歲月已久但見禍譎未聞昌延使爾有志不得存立

延陵已上四房子姓各為單子一作各緒慆慆早夭慆七到切汝又

繼終兩房祭祀今已無主吾又未有男子爾曹則雖有如無

一門嗣續不絕如綫即線字係公羊傳句仁義正直天竟不知理極道

乖無所告訴汝生有志氣好善嫉邪勤學成癖攻文致病年

纔二十不祿命盡一本作年過二蒼天蒼天豈有真宰如汝

德業尚早合出身由吾被謗年深使汝負才自棄志願不就

罪非他人死喪之中益復為媿汝墨法絕代識者尚稀一本

音尚及所著文不令沉沒吾皆收錄以授知音文類之功宗

撰西序文類四十卷更亦廣布使傳於世人以慰汝靈知在永州私有

孕婦吾專優恤以俟其期男為小宗女亦當愛延子長大必

使有歸撫育教視使如己子吾身未死如汝存焉炎荒萬里

毒瘴充塞汝已久病來此伴吾到未數日自云小差雷塘靈

泉言笑如故一寐不覺便為古人茫茫上天豈知此痛郡城

之隅佛寺之北飾以殯紉紉棺索寄於高原死生同歸誓不

相弃庶幾有靈知我哀懇
祭姊夫崔使君簡文元和七年葉葬永州

永州刺史博陵崔公之靈天之生人或哲或愚君取其英爰

曜于初響動京邑施于方隅密勿書奏元侯是俞崔簡貞元五年中進

士第旋入山南西道節度使為掌書記至府留後蜀寇內海禍聯羨擊蜀寇名羨疾切夷名羨在

西蜀界在巴蜀君出顯畫披攘其徒南平劍門西獲戎俘超

受刑曹留摠南都簡在刑部負外郎為府留後移刺連部

本州謂簡白山南下民其蘇道不可常病惑中途悍石是

餌元精以渝簡後領五石雷謗爰興按驗增誣簡自連州徙

連州人訴簡御史按始雖進律終以論辜記王制有功德于

章具獄坐流驪州也溟海浩浩而君是踰嵩山茫茫而君是居嵩山驪州所

放如在厥弟抗憤斗于康衢天子憫焉訊以文書御史既斥

連帥是除簡幼弟請闕以竟天子期復中壤遽淪別區喪還

大浸又溺二孤簡子如道守訥奉簡之喪痛毒存仍振古所

無何謫于天降此翦屠極不及歸寓葬荒墟將首將就誓還

里間嗚呼哀哉君之子姓惟自我出母儀先虧簡妻柳氏父

訓又失煢煢相祖齊渠營切憂也與蔡惇同撫悼增恤咸冀其才以大家

室惟昔與君年殊志匹晝咨夕計期正文律實契師友豈伊

親昵誰謂斯人變易成疾良志莫踐乖離永訣嗚呼哀哉永

山之西湘水之東殯紉以出斧屋爰封記檀弓封有若覆夏屋者矣有若斧者矣

神非久留息駕于中書石為誌世德斯崇手斲以酌音拘抱

也酌也酌涕出焉窮

又祭崔簡神板歸上都文神板一本

嘻乎崔公之柩嘻一本作嗟嘻乎崔公楚之南其土不可以

室或坳而頽坳符吻也或確而萃確音懸曉確切山多大石萃

巖陰流泄漏藏沒滄溢藏思廉切爾雅泉一見碩鼠大蟻

傍穿側出虧踈脆薄久乃自窒不如君之鄉式堅且密嘻乎

崔公楚之南其鬼不可與友躁戾佻險佻音超輕也偷也睽睽欺苟

睽天舟切暫視貌又驚腥賤暗宵腥坐果切細碎无輕巖安

視貌神書刀切張且也走驚音不思已類好是羣醜不如君之鄉式和且偶日月甚

良子姓甚勤具是舟輦輦音寧君之神去爾夷方返爾

故隣葬二其歸宜樂且欣君死而還我生而留遠矣殊世曷

從之遊酌觴于座與涕俱流

祭崔氏外甥文一本作崔君筵則祭一甥文

年月日八舅十舅敬祭外甥韋六小鄉之魂嗚呼生有孝姿

淑且茂兮謂吉其終道克就兮胡典而喪離厥咎兮蹈道而

違死誰祐兮豈汝之昧不能究兮將奪之鑿使昏霧兮霧音

賦切与反復攬予哀何救兮骨肉無從魂焉覲兮庶幾來歸

餒以侑兮餒音俊禮記注合食餘曰餒酒實于觴肉盈且兮豈

伊異人余所授兮來耶否耶歆氣臭兮

祭崔氏外甥女文蘭之女名媛嫁

叔舅宗元祭于二十六娘子之靈凡我諸甥惟爾為首甥於

我氏甥一本恩顧彌厚惠明貞淑仁愛孝友女德之全素風

斯守播於族屬夙馨自久恭惟伯姊崔氏之母道茂行高上

承下訓克敬能勞夙有儀則刑于汝曹雖云性善抑自良陶

汝之先君謂崔簡以文誨我周流辯論有疑必果恒革其非以

成其可孰云具美易以生禍汝及諸弟流離莫從幸獲我依

以慰困窮歸之令族有蔚其容方冀榮壽遽罹災凶嗚呼哀

哉汝自艱酷二弟繼終海門之哀今古罕同駢也英文敷暢

浩通賞期振耀弘我儒風又茲天闕神理何蒙天於表切

遙賞儒莫之天闕此文謂崔氏弟如道守訥奉盛德餘夢宜

福其曹胡然降戾惟禍之逢嗚呼哀哉前歲詔追廷授遠牧

示和十年子厚召至京師又出為所州刺史武陵便道往來信宿武陵即幸茲再

見緩我心曲猶且輕別瞻程務速孰知自此遂間幽躅除玉

臨視無路逝風慟哭但焉自中如刃之觸却阜有位青鳥載

卜崔氏葬北山南道途尚艱歲月逾邁方俟歸紉文心

再期奠沃寄哀斯文心焉往復嗚呼哀哉

祭外甥崔駢文崔簡之子

祭于卿郎之魂嗚呼天恢靈奇各字取不可貪既睿又力神

誰以堪汝不是思而縱其志盜其管籥塞其篋匱抽深挾密

檐重揭貴揭立祭也又巨列切負也守吏失職訴帝

行事果殄爾躬以寧其位豈不信耶不然無鬼誅之行而中

道天死莊子為不善者鬼誅之有技類之才而三見廢委仁充其軀每

中骨髓其何以為累也兄弟逾十我出惟八左傳成公十四年我之自出

外甥也謂柳氏所生八子既孤數祀中分存沒我為汝舅汝為我甥求仁

具得為藝繼成天下莫倫古罕並行人而思之幾不欲生嗚

呼哀哉既致其愛抵極其哀秦越萬里心魂徘徊念與汝別

桓公之臺顧余猶壯視爾如孩戲抽佛筭筭今謂之籤前次淹

隈音回切水曲也笑領即路鳴鞘不廻音回切音韻

兄弟莫在謁醫問巫卒以幽昧葬之東野誰贈誰會音韻

既既虞以奠誰主誰酌音韻竟豈若速反而虞祭以安神靈孤魂

冥二何託何逝嗚呼哀哉刑曹繼之以病告余銜憂驅使裹

藥操書雖驚狀劇猶恃神扶豈知所賴終以誤吾哉自得罪

無望還都想爾新墓少陵之隅何時歸附地上下呼清淚徹

壙以沾以涂此心未慊祗益推紆累見于夢寧知有無寄之

哀辭惟俎及壺嗚呼哀哉

江

增廣註釋音辯唐柳先生集卷之四十一



浙江圖書館

浙江圖書館
地址：杭州
電話：XXXXXX



浙江圖書館

壹玖伍伍年 貳月 陸日



浙江圖書館

浙江圖書館善本

甲登記號：028674

一九 年 月 日



浙江圖書館




浙江圖書館



浙江圖書館















colorchecker CLASSIC



xrite



colorchecker CLASSIC



x-rite

100mm